



FAQ

Akí bou un bista general di e preguntanan mas tantu hasí tokante e tema akí riba i e preguntanan korespondiente.

- **Dikon un oumento di tarifa?**
 - Tin kestion di un ahuste di tur tarifa pa promé biaha despues di mas ku 10 aña; algun tarifa ta subi, algun ta baha; e kambionan tin diferente efekto riba e diferente tiponan di forma hurídiko ku ta registrá den Registro Komersial.

- **Ken a disidí esaki?**
 - E kambionan di tarifa ta formulá den kambionan di lei; naturalmente na e manera di kustumber a tuma desishon tokante esaki den parlamento hulandes;
 - No ta (direktiva di) Kámara di Komèrsio mes ta tuma desishon tokante tal kambionan.

- **Ken ta stipulá e tarifanan?**
 - Ministerio di Asuntunan Ekonómiko i Klima ta stipulá e tarifanan;
 - No ta (direktiva di) Kámara di Komèrsio mes ta tuma desishon tokante tal kambionan.

- **Ken ta tene supervishon riba Kámara di Komèrsio?**
 - Ministerio di Asuntunan Ekonómio i Klima ta tene supervishon riba funshonamentu di Kámara di Komèrsio.

- **Kon e proseso di toma di desishon tras di e legislashon nobo tabata?**
 - (For di 2015) e Ministerio a konsultá ku Kámara di Komèrsio i interesadonan lokal tokante kambionan nesesario i deseá den e lei. Na momento ku e tekstonan den forma di konsepto tabata disponibel, tabatin konsulta atrobe i finalmente a hiba konsulta via internèt, kaminda tur hende por a reakshoná;
 - Originalmente e idea tabata ku e kambionan di lei akí lo a keda implementá hopi mas promé, pero esaki a sufri retraso pa motibu ku otro tópickonan dentro di e proseso di legislashon a haña mas prioridat.

- **Kiko Kámara di Komèrsio ta bai hasi ku e entradanan èkstra?**
 - o Dependiente di kon e situashon nobo ta resultá realmente den práktika, na e momento akí e ekspektativa ta ku Kámara di Komèrsio por ehekutá su tareanan ku e lei nobo ta verwagt;
 - o E Ministerio di Kámara di Komèrsio ke pa Kámara di Komèrsio funshoná mas integral i pa prinsipalmente riba tereno di duna informashon i sosten na empresarionan Kámara di Komèrsio por hasi mas sin ku tin mester di un supsidio anual di Entidat Públiko Boneiru pa esei;
 - o Den su totalidat Kámara di Komèrsio no ta verwagt di tin mas entrada òf di tin apénas mas entrada ku awor akí ta e kaso; naturalmente mester wak ki efekto e kambionan lo tin definitivamente; en todo kaso e meta no ta pa diripiente Kámara di Komèrsio ta haña mas sèn pa saka, no tin ningun motibu pa esei.

- **Dikon tin un diferencia ku e otro islanan di Karibe (Hulandes)?**
 - o Islanan BES di un banda i Aruba, Kòrsou i Sint Maarten di un otro banda tur kuater tin nan propio legislashon i regulashon i pues no tin nada ku por bisa tokante e diferensianan den legislashon i kua efekto esaki tin riba e tarifanan;
 - o En todo kaso ta klarito ku tin diferencia grandi pa loke ta trata eskala di e islanan, loke (parsialmente) lo por ta un splikashon.

- **Dikon finansiamentu di Kámara di Komèrsio ta otro for di Hulanda?**
 - o Legislashon i historia ta hopi diferente; por ehèmpel semper islanan BES a konosé un direktiva di Kámara di Komèrsio elegí, miéntras esaki na Hulanda no ta e kaso;
 - o Na Hulanda algun aña pasá a skohe pa anulá e kontribushon anual; esaki a sosodé komo kompensashon pa algun medida di impuesto pa empresario. Esaki no ta e kaso na islanan BES. Na Hulanda tin sí un pago pa registrashon pa un solo biaha ora ku registrá un organisashon pa promé biaha den Registro Komersial.

- **Kon a komuniká esaki ku e organisashonnan registrá?**
 - o For di kuminsamentu di desèmber 2021 Kámara di Komèrsio ta komuniká via email, komunikado pa prensa, e propio wèpsait i medionan sosial tokante de kambionan di lei ku ta na kaminda.